

歷代名臣奏疏

鈞聲譽而備以捷徑於
則繇指授而報復而托
陰行其私者也寧直無

國則何用奏疏為哉不佞濫竽詞
林得摺輯舊聞攷見行事自周秦
迄于趙宋上下數千百年間竊見
老成謀國忠知陳謨輒嘆以為名

言即繁簡諷直言人、殊且遇金
殊軌不盡寔諸施用要之其言不
可湮滅試令寔穴之士山石廊之臣
覽睹其要歸而發抒其志之安上
賈趙絕響敬興婦迹局

寔夸無當也燃黎之暇

校讐大拉周秦什一而獲

來什九彙為六卷題曰

積有歲年矣自維淺短

三朝躡躡首揆無繇表見以

一則尸素之謂何敢梓

位庶衆思和衷群策

謬托秦誓休々之風也

聖明止輦之詔豈不媿快矣哉倘曰

非有用之言而視猶棘猴畫策也
則余亦聽之矣音

萬曆甲午仲春朔日姑蘓王元馭識

歷代名臣奏疏目錄

卷之一

關龍逢直諫

伊尹論事宗

伊陟祥彞對

比干直諫

尚父陳丹書

周公

史佚論民

謀父諫征犬戎

芮良夫諫用榮夷公

召公諫弭謗

召公存孤

虢文公諫不藉千畝

姜后待罪疏

仲山甫諫料民

敬姜論勞逸

管仲論四民

內政寄軍令

管仲尊周疏

富辰諫取翟女

王孫滿論鼎

孔子

子產不毀鄉校

告子太叔為政

伍員諫釋越

吳起論險

衛鞅變法

子思論官人

子思論衛事

蘓秦說六國

司馬錯論伐蜀

郭隗致士對

武公論楚畜周

范雎論遠交近攻

魯仲連止魏帝秦

荀况論兵將

縮高辭攻管

茅焦解衣充諫

李斯諫逐客

即墨大夫諫齊

李斯議建郡縣

卷之二

董公說漢王發義帝喪

韓信拜將對

張良借箸畫策

鄒生說漢王取敖倉

婁敬說都長安

叔孫通諫易太子

賈山至言

賈誼論積貯

賈誼治安策

晁錯言兵事

晁錯守邊備塞疏

晁錯請入粟拜爵疏

枚乘奏吳王書

董仲舒天人策

董仲舒論限民名田

東方朔諫除苑

相如上疏諫獵

公孫孫卿賢良策

徐樂論土崩瓦解

主父偃請分國邑

荀悅論風俗

倪寬封禪對

王吉遊獵諫

霍光廢昌邑諫

卷之三

魏相上封事

蒲望之兩電疏

路溫舒治獄論

張敞上封事

龔遂治盜賊對

魏相諫伐匈奴

王褒聖主得賢臣頌

王吉言得失疏

趙充國屯田奏

蕭望之入粟贖罪議

寬饒奏封事

賈捐之罷珠崖郡議

劉向條吳異封事

劉向諫外家封事

匡衡政得失疏

匡衡治性正家疏

應侯罷邊條疏

谷永救陳湯疏

劉輔慎宮選疏

梅福論王氏書

谷永論神恠

師丹論限田

賈讓治河三策

楊雄諫絕單于

王嘉任人疏

嚴尤諫伐匈奴

鄧禹救東定計

隗班論周漢之弊

班彪王命論

朱浮諫數易守宰

鄭興日食對

陳元優禮大臣疏

杜林論科禁

桓譚諫信讖

楊終請罷邊兵疏

陳寵寬政疏

馬廖勸成德政疏

第五倫寬政疏

韋彪貢舉論

丁鴻論實兄弟

樊豐勸興文學疏

仲長統昌言

陳忠豫肅帝意疏

楊震親賢遠奸疏

左雄久任疏

謝廣張左趙奉奏

郎顗災異對

李固地對

張衡崇正疏

李固予梁肅書

朱穆崇厚論

崔寔政論

劉陶訟朱穆

劉陶鑄錢議

荀爽日食對

蔡邕諫伐鮮卑書

楊賜蔡邕災異對

陳琳諫召外兵

荀悅申鑒

諸葛亮隆中計

諸葛亮治蜀

楊頤論相體

諸葛亮前出師表

諸葛亮後出師表

鄧艾屯田議

卷之四

傅玄論士風

杜預論考課

賀邵毒飲諫

羊祜伐吳疏

杜預水災疏

傅咸議省員議

陶璜山濤諫罷州郡兵

郭欽徙戎論

傅咸論奢侈

劉毅罷中正除九品疏

劉寔崇讓論

劉頌封建親賢疏

裴頠崇有論

江統徙戎論

戴逵立太學疏

紀瞻上尊號議

范甯罪王河論

何承天禦戎四策

高允諫魏太子

周朗日食上疏

甄琛議罷鹽池之禁

孫瑒論銓選

孫伏伽納諫疏

李素立寬刑疏

秦主世民止遷都疏

張蘊古太寶箴

杜淹雅果論

魏徵無聽偏信對

群臣區處突厥部落議

魏徵論教化

溫魏處突厥議

張玄素脩洛陽宮諫

李大亮賑西突厥議

魏徵封禪議

馬周論時政

十思疏

親賢遠奸疏

于志寧馬周襲封議

十漸疏

劉洎黨言

薛譙光還舉疏

朱淑則緩刑疏

五

狄仁傑勸還廬陵王議

蘓安衡勸復廬陵王疏

辛替不達官疏

姚崇十事疏

宋景復貞觀奏事疏

李萼擊魏郡策

郭從謹致亂疏

楊瑄舉孝廉疏

顏真卿論諫官先白宰相疏

高郢止崇佛疏

沈既濟還舉疏

劉宴擇人法

劉宴理財疏

劉宴權益法

劉宴轉漕法

劉宴造舡法

陸贄論兩可用兵

陸贄資理興邦疏

陸贄兩情九弊疏

陸贄勸下罪己詔

陸贄勸推誠疏

李泌議復府兵

李泌因事納忠疏

陸贄請長官舉屬吏

陸贄歲運和衆議

杜黃裳任賢對

李絳政事疏

李絳論河北淮西事體

權德輿寬猛疏

條魏博事宜

李愬論平淮蔡

韓愈諫佛骨疏

李德裕猷冊辰六歲

杜牧罪言

戰論

李德裕論朋黨

論澤潞事體

李德裕面諭三鎮

王式論兵

孟昭圖遠宦官疏

韓偓除宦官疏

李襲有論富強

王朴平江策

卷之五

王昭素治世養身對

溫叟過明德門對

張齊賢條陳十事

張齊賢諫取幽薊疏

田錫上軍國朝廷疏

姚坦假山諷

田錫應詔直言

田錫開寶寺懺疏

田錫上不雨言

錢若水竭誠報國對

呂蒙正上元直言

朱台符對直言疏略

何亮安邊書

陳恕錢穀對

李沆憂勤諫

孫奭諫封禪疏

孫沔直言

夏竦經畧夏州十策

范仲淹論邊事

蔡襄增置諫官疏

歐陽脩進朋黨論

蔡襄論進賢退邪

趙師民罷崇政殿說書疏

宋祁上科舉議

韓范議和守戰三策

孫抃手疏論時弊

變文體

韓琦請建皇嗣疏

王安石萬言書

劉敞諫日食用牲于社疏

司馬光三劄

五規

司馬光請建儲嗣疏

韓琦請太后還政

群臣漢王典禮議

司馬光直言災異疏

呂誨論尊漢王禮

論節用

富弼治道對

邵雍論氣候

蘓轍論免役法

呂誨劾王安石疏

蘓軾論行均輸法

范純仁論行均輸法疏

蘓軾諫行青苗法

富弼論君子小人

韓琦請罷青苗法疏

司馬光論守法

司馬論青苗法弊

司馬光求解樞密副使疏

孫覺條奏誤認同官泉府之妄

程顥論新法之非

蘇軾三言疏

蘇軾新法不便疏

呂陶對賀良方正策

范鎮乞致仕疏

王拱辰諫立保甲法

司馬光四不如疏

呂誨引疾喻政疏

劉摯劾王安石疏

文彥博論變舊典失

鄭俠上流民圖

韓琦條陳邊策七事疏

王安國特召對

王安禮言呈變疏

司馬光論去五者弊法

呂公著論寬刑疏

富弼休兵息民疏

呂公著答太后遣使迎問對

司馬光奏罷保甲法

奏十科舉士法

司馬光奏罷明法科

蘇軾論役法

程頤親賢疏

司馬請立經明行脩科

韓維四思對

程頤脩定學制

草安置呂惠卿制

程頤論就崇政延和殿講讀

常安民孤棟巨石喻

范純仁極言朋黨之禍

范祖禹諫權罷經筵疏

蘇轍諫調停疏

范祖禹諫防離間疏

范純仁論先朝行青苗法害

范純仁詆群小排太后時事疏

呂大防論祖宗家法

范純仁諫中出用大臣

常安民論蔡京疏

許將論本朝治道

范純仁清心寡欲疏

范純禮論元祐諸臣

陳朝老論何執中疏

曹輔諫帝微行疏

宋昭上書諫伐遼

楊時救時策

李綱上時事疏

陳東請誅六賊書

楊時奏罷王安石配享疏

崔鷗極論闕失疏

何貞論三鎮

李綱請堅壁拒金議

卷之六

元祐皇后諭中外制畧

李綱任賢疏

李綱上十事疏

李綱論張邦昌僭逆疏

經制兩河議

宗澤論和議疏

岳飛論定謀

議南幸

宗澤請車駕還京師疏

宗澤請度河疏

趙子砥論和議用兵

汪若海附宣撫川陝議

趙鼎請罷王安石祀享神宗廟庭疏

張守六思

林勲本政書

胡寅上七策奏

趙鼎經營大業計

劉子羽議守川蜀

張九成對直言無隱策

婁寅亮乞選太祖後疏

胡安國上時政論

趙鼎堅帝任用疏

李綱戰守和利害疏

岳飛畫平陽公策

陳公輔論時禍

張浚保淮南之議

張浚請遵以日易月之制

張浚乞賜罷黜疏

岳飛論恢復

岳飛論置淮西軍帥議

胡安國論禁陳頤之學疏

岳飛復進恢復疏

張守請留建康疏

胡銓上高宗封事

李綱詳奏和金得失疏

張浚論和議之非

朱弁使金還見便殿對

張浚論時事疏

朱熹上封事

張栻省察天理對

朱熹上封事

張浚辯和議之失

胡銓諫止金國通問疏

劉珙辯漢高帝悅學重儒對

陳俊卿諫騎射

劉珙辭荆襄宣撫使劄

楊甲廷對策

朱熹應詔直言疏

張栻辨伏節死義辨事之臣對

朱熹極言政事疏

黃伯聰言擇言疏

朱熹正心誠意對

朱熹校臨進封事

劉光祖奏弛道學之術

朱熹奏四事

朱熹極言四事

楊宏中拜伏闕上書

真德秀劾天變疏

真德秀言濟王之寃

真德秀奏三劄

魏了翁上封事

孟珙奏守襄陽疏

趙葵論用人疏

徐元杰論起復史嵩之疏

太學生黃剡伯起復史嵩之疏

太學生作倦堂文

杜範上五事

吳潛入對致亂之由

陳著論買公田之害

元許衡陳時務五事

歷代名臣奏疏卷之一

明 大學士 劉石王錫爵 精擇

○關龍逢直諫

後癸二十有二歲

桀伐有施氏以妹喜女焉妹喜有寵所言皆從爲瓊宮瑤臺殫百姓之財龍逢諫曰人君謙恭敬信節用愛人故天下安而社稷宗廟固今君用財若無窮殺人若不勝民惟恐君之後亡矣人心已去天命不侔盍少悛乎桀怒而囚之

伊尹論事宗

商湯元祀

湯問尹曰古者所以立三公九卿大夫列士者何也尹

對曰三公者通於天道者也九卿者通於地理者也大夫者通於人事者也列士者通於法度者也三公所以參五事九卿所以參三公大夫所以參九卿列士所以參大夫是謂事宗事宗不失內外若一是謂大順也

○伊陟祥桑對

商太戊元祀

亳有祥桑穀共生於朝七日大拱太戊問於伊陟陟對曰妖不勝德君之政其有闕歟太戊於是脩先王之政明養老之禮早朝晏退問疾吊喪三日而祥桑枯死三年遠方重譯而至者七十六國商道復興號稱中宗

○箕子諫象箸

商紂元祀

紂始爲象箸箕子嘆曰彼爲象箸必不盛於土簋將作
犀玉之盃玉盃象箸必不美藜藿衣短褐而舍於茅茨
之下則衣錦九重高堂廣室稱此以求天下不足矣遠
方珍怪之物與馬宮室之漸自此而始故吾畏其率也

○比干直諫

商紂二十祀

紂醢梅伯之直諫而賞雷開之阿諛比干諫曰主暴不
諫非忠也畏死不言非勇也見過即諫不用即死忠之
至也君有過而不以死爭則百姓何辜乃陳先王艱難
天命不易國家將亡之明徵請王洗心易行伏於象魏
之門紂大怒乃殺比干剖視其心

尚父陳丹書

周武王元年

武王踐祚三日召士大夫而問焉曰惡不藏之約行之
得萬世可以爲子孫常者乎師尚父對曰黃帝顓頊之
道在丹書有之曰敬勝怠者吉怠勝敬者滅義勝欲者
從欲勝義者凶凡事不強則桮不敬則不王狂者滅廢
敬者萬世藏之約行之得可以爲子孫常者此之謂也
且臣聞之以仁得之以仁守之其量百世以不仁得之
以仁守之其量十世以不仁得之以不仁守之不及其
半王聞書之言惕若恐懼退而爲戒書於席之四端及
几盤盥盤楹棧帶屨觴豆戶牖劍弓矛各爲銘焉

周公

周公居東寧以五年而恐天下叛乃攝政代王當國而面負版以朝諸侯魯公伯禽周公元子也成王少周公留相之使其就封於魯周公謂伯禽之傳曰汝將行盡志而子美德乎對曰其爲人也寬好自用以慎此三者其美德也已周公曰嗚呼以人惡爲美德乎君子好以道德故其民歸彼其寬也出無辨矣汝又美之彼其好自用也是所以窶小也汝又美之彼其慎也是其所以淺也汝又美之吾語女我文王之子武王之弟今王之叔父吾於天下不賤然我一沐三握髮一飯三吐哺起

以待士天下之士至者無慮千人於是吾得三士焉以
正吾身以定天下夫得三士於百人千人之中若是乎
其難也子之魯慎毋以國驕人

交趾南越蒙氏重三譯而來獻白雉曰道路悠遠山川
阻深恐一使不通故重三譯而來朝周公曰德澤不加
君子不饗其質政令不施君子不臣其人譯曰吾受命
於國之黃耆曰天之無烈風淫雨海不揚波三年矣意
者中國有聖人乎蓋漢初之周公歸之於王稱先王靈
神致薦於宗廟使百蠻歸路周公賜以駟車五乘皆
爲向南之制越蒙氏重三譯而來獻白雉曰道路悠遠山川

至其國故指南車常爲先導未有以服遠人而正四方

史佚論民

周成王七年

成王問於史佚曰何德而民親其上對曰使之以時而敬慎之忠而愛之布令信而不食言如臨深淵如履薄冰王曰懼哉對曰天地之間四海之內善之則臣不善則讐也夏殷之民讐桀紂而臣湯武若之何不懼也

謀父諫征犬戎

周穆王三十五年

周穆王將伐犬戎祭公謀父諫曰先王耀德不觀兵夫兵戢而時動動則威觀則玩玩則無震是故先王之制邦內甸服邦外侯服侯衛賓服夷蠻要服夷蠻荒服甸

服者祭。侯服者祀。賓服者享。要服者貢。荒服者王。日祭。月祀。時享。歲貢。終王先王之訓也。有不祭則修意。有不祀則修言。有不享則修文。有不貢則修名。有不王則修德。序成而有不至則修刑。於是乎有刑罰之辟。有攻伐之兵。有不享讓不貢。告不王。於是乎有刑罰之辟。有攻伐之兵。有征討之備。有威讓之令。有文告之辭。布令陳辭而又不至則又增修於德。無動民於遠。是以近無不聽。遠無不服。今天戎氏以其職來王。而必以不享征之。且觀之。兵其無乃廢先王之訓。而王幾頓乎。王不聽。遂征之。自是荒服者不至。

劉子論禹功

天王使劉定公勞趙孟於潁館。劉子曰：「美哉禹功，明德遠矣。微禹，吾其魚乎？」吾與子弁冕端委以治民臨諸侯，皆禹力也。子亦遠績禹功而大庇民乎？」對曰：「老夫罪戾是懼，烏能恤遠？」吾儕偷食朝不謀夕，何其長也？」劉子告王曰：「諺謂老將知而耄及之者，其趙孟之謂乎？」為晉正卿主諸侯而儕于隸人，朝不謀夕，棄神人矣，何以能久？」

富辰諫伐鄭

鄭人伐滑，王使游孫伯請滑。鄭人執之。王怒，將以狄伐鄭。辰諫曰：「不可。臣聞之：大上以德撫民，其次親，又以相。」

及也。昔周公弔二叔之不咸，故封建親戚以藩屏周室。
管、蔡成霍，魯衛毛、聃、郕、雍、曹、滕、畢、原、鄆、郇、文之昭也。邠、
晉、應、韓、武之穆也。凡蔣、邢、茅、胙、祭，周公之胤也。召公思
周德之不類，故糾合宗族于成周，而作常隸之詩曰：「凡
今之人，莫如兄弟。」兄弟鬩于墻外，禦其侮，如是則兄
弟雖有小忿，不廢懿親。今天子不忍小忿，以棄鄭親，其
若之何？庸熟親，○暱近尊，○尊賢德之大者也。○即矚從昧與
頑，○罔黜奸之大者也。棄德崇姓，禍之大者也。鄭有平、惠
之勲，又有厲宣之親，棄嬖寵而用三良，于諸姬為近，○四
德具矣。耳不聽五聲之和，為矚目不別五色之章，為昧

心不則禮義之經、為邪口不道忠信之言、為亂狄皆有之。四姦具矣。周之有懿親也、猶曰莫如兄弟。故封建之、其懷柔天下也。猶懼有外侮。扞外侮者、莫如親父。故以親舅周召、穆公六云。今周德既衰、於是乎又淪周召以後諸奸、無乃不可乎。民未忘禍、王又興之、其若文武何。王弗聽。

太子諫晉壅川

穀洛閉將毀王宮。王欲塞之。太子晉諫曰：不可。晉聞古之是民者、不墮山、不崇藪、不防川、不實澤。夫山、土之聚也。藪、物之歸也。川、氣之道也。澤、水之鍾也。夫天地成而

聚於高滯物於下、號爲川谷、以導其氣、陂塘汚痺、以鍾其美、是故聚不阨、崩而物有所歸、氣不沈滯而六不散、越是以民生有財用、無夭昏札瘥之憂、無飢寒之匱、之患、故上下能相固、以待不虞、古之聖王、惟此之慎、昔共工棄此道也、虞於湛樂、淫失其身、欲壅北川、墮高堙庫、以害天下、皇天弗福、庶民弗助、禍亂並作、共工用滅、其在有虞、有密伯、繇播其淫心、稱逐共工之過、堯用殛之、羽山、其後大禹念前之非、度釐改制、量衆物、天地比類、百則儆之于民、度之于群生、共之後、子孫四岳佐之、禹下、以疏川、導滯、鍾水、豐物、封崇九山、決汨九川、陂障

九峯封殖九數汨越九原宅居九隩含道四海故天伏
陰地無散陽水無沈氣火無炎燄神無間民無淫心時
無逆數物無害生帥衆高之功度之于懷執莫非加績
克厭帝心皇天嘉之胙以天下賜姓曰妣氏曰有夏謂
其能以加祉殷富生物也胙四岳國命爲侯伯賜姓曰
姜氏曰有呂謂其能爲禹股肱心膂以養物豐人民也
此一王四伯豈繫多寵皆亡三之後惟能厘舉加彖以
有胤在下守祀不替其與有夏雖衰祀鄩犹在申呂雖
衰齊許猶在惟有加功以裔姓受祀迄於天下及其失
之也必有悞淫之心間之故亡其姓氏墮弊不振絕後

無主堙替隸圉夫亡者豈緊無寵皆黃炎之後也惟其
不帥天地之度不順四時之序不度民神之義不儀生
物之則以殄滅無胤至於今不祀及其得之也必有忠
信之心間之度於天地而順於時動和於民神而儀于
物則故高朗令終顯融昭明受姓俞氏而附之以今名
君啟先王之遺訓省其典圖刑法而覘其廢興者皆可
知也其興者必有夏呂之功焉其廢者必有共工之敗
焉今吾執政無乃實有所避而靖夫三刑之神使至于
爭明以妨王宮王而飾之無乃不可乎人有言曰無過
亂人之門又曰佐雖者嘗焉佐闕者傷焉又曰禍不好

不能為禍詩云亂生不夷靡國不民文曰民之貪亂寧
為荼毒夫見亂而不惕而殘必多其飾弥章民有怨亂
猶不可遏而况神乎王將防闕川以飾官是飾亂而佐
闕也其無乃章禍且遇傷乎自我厲宣幽平而貪天禍
至於今未殂我又寧之惧長及子孫王室其愈卑乎其
若之何自后稷以來民亂及文武成康而僅克安民自
后稷之始基靖民十五王而文始平之十八王而康克
安之其難也如是厲始華與十四王矣基德十五而始
平基禍十五其不濟乎吾朝夕敬惧曰其何德之脩而
少光王室以達天休王又章輔禍亂將以堪之詩曰殷

鑒不遠在夏后之世將以用飾宮以儆亂民也度之天神則非祥也比之地物則非義也類之民則非仁也方之時動則非順也咨之前訓則非正也觀之詩書與民之獻言皆亡王之為也上下儆之無所比度王其齒之王卒雍之王爭寵人亂於是乎始生

內史過論虢必亡

十五年有神降于莘王問內史過曰是何故固有之乎對曰有國之將興其君齊明惠和其德足以昭其馨香其惠足以同其人民故明神降之規其德政而均其福其國之將亡其君辟邪淫佚其政腥臊馨香不登其刑

矯誣民有違志故神出往覲况其苛愿而降之禍音真
之具也祝融降于密山其亡也回祜信於聆隧商之具
也禱杭次于丕山其亡也夷羊在牧周之具也鴛鴦鳴
於岐山其哀也杜伯射王於鄩是皆明神之志者也王
使太宰忌父帥傅氏及祝史奉犧牲玉鬯牲獻焉內史
過歸告王曰虢必亡矣不禋於神而求福焉神必禍之
不親於民而求用焉民必違之精意以享祀也慈保庶
民親也今虢動匱百姓以逞其違離民怨神而求利焉
不亦難乎

里革諫夏監厥

宣公夏濫于泗淵里革斷其罟而棄之曰古者大寒降
土蟄發水虞於是乎講民留取名魚登川禽而嘗之寢
布行諸國人助宣氣也鳥獸孕水虫成獸虞於是乎禁
罝羅猶魚鱉以為夏稿助生阜鳥獸成水虫孕水虞于
是乎禁罝羅設罝郭以畜功用也且夫山不槎蘖
澤不伐天魚禁鯢鰕獸長麇麇鳥翼鰒卵虫舍蜚蠊蕃
庶物也古之訓也今魚方別孕不教魚長又行網罟貪
無藝也公聞之曰吾過而里革匡我不仁善乎是良罟
也為我得法使有司藏之使吾無忘諗師存詩曰鴈在
不如置里革存側之不忘也

芮良夫諫用榮夷公

周厲王三十年

周厲王以榮夷公爲卿用事大夫芮良夫諫曰夫利百
物之所生也天地之所載也而或專之其害多矣夫王
人者將專利而布之上下者也使神人百物無不得其
極猶日慎惕懼怨之來也今獨專利其可乎匹夫專利
猶謂之盜王而行之其歸鮮矣榮公若用周必敗榮公
爲卿士諸侯不享

召公諫弭謗

周厲王三十三年

厲王虐國人謗王召公曰民不堪命矣王怒得衛巫使
監謗者以告則殺之國人莫敢言道路以目王喜曰吾

能狎誘矣。召公曰：是鄴之也。防民之口，甚於防川。川壅而潰，傷人必多。民亦如之，是故爲川者決之，使導；爲民者宣之，使言。故天子聽政，使公卿至於列士獻詩，瞽獻典，史獻書，師箴，瞽賦，矇誦，百工諫，庶人傳語，近臣盡規，親戚補察，瞽史教誨，耆艾修之，而後王斟酌焉。是以事行而不悖。民之有口也，猶土之有山川也，財用於是乎出，猶其有原濕衍沃也，衣食於是乎生，口之宣言也，善敗於是乎興行，善而敗備，所以阜財用衣食者也。夫民慮之於心，而宣之於口，成而行之，胡可壅也？若壅其口，其與能幾何？王弗聽，於是國人莫敢出言，三年乃流王。

於羸

召公存孤

周厲王三十三年

羸之亂宣王在召公之宮國人圍之召公曰昔吾驟諫王王不從以及此難今殺王子王其以我爲懟而怒乎夫事君者險而不懟怨而不怒况事王乎乃以其子代宣王宣王長而立之

○虢文公諫不藉千畝

周宣王十二年

宣王即位不藉千畝虢文公諫曰不可夫民之大事在農上帝之粢盛於是乎出民之蕃庶於是乎生事之供給於是乎在和協戚睦於是乎興財用蕃殖於是乎始

敦龐純固於是乎成是故稷爲大官惟農是務無有求
利於其官以干農功三時務農而一時講武故征則有
威守則有財若是則能媚於神而和於民享祀時至而
布施優裕也今天子欲修先王之緒而棄其大功匱神
乏祀而困民之財將何以求福用民王弗聽

○姜后待罪䟽

周宣王二十三年

王嘗晏起姜后脫簪珥待罪於永巷使其傅母通言於
王曰姜不才至使君王樂色而忘德夫苟樂色必好奢
好奢必窮樂窮樂者亂之所由興也原亂之興自婢子
始敢請罪王曰寡人不德實自生過非夫人之罪也自

是勤於政事、早朝晏罷、卒成中興之名、

仲山甫諫料民

周宣王三十五年

三十五年、戰於千畝、王師敗績於姜氏之戎、王既喪南國之師、乃料民於太原、仲山甫諫曰、民不可料也、夫古者不料民而知其少多、司民協孤終、司商協民姓、司徒協旅、司寇協奸、牧協職、工協革、場協入、廩協出、是則少多死生出入往來者、皆可知也、於是又審之以事、王治農於藉、稼於農隙、耨穫亦於藉、獨於既蒸、狩於畢時、是皆習民數者也、又何料焉、不爲其少而大料之、是示少而惡事也、臨政示少、諸侯避之、治民惡事、無以賦令、且

無故而料民天之所惡也害於政而妨於後嗣王卒料之

敬姜論勞逸

周宣王三十七年

公父文伯退朝朝其母其母方績文伯曰以歎之家而主猶績懼于季氏之怒其以歎爲不能事主乎其母嘆曰魯其亡乎使僮子備官而未之聞邪居吾語女昔聖王之處民也擇土而處之勞其民而用之長王天下夫民勞則思思則善心生逸則淫淫則忘善忘善則惡心生沃土之民不栴淫也瘠土之民莫不向義勞也是故天子大采朝日與三公九卿祖識地德日中考政與

百官之政事師尹維旅牧相宣序民事少采夕月與太
史司載糾虔天刑日入監九卿使潔奉禘郊之粢盛而
後即安諸侯朝修天子之業命書考其國職夕省其典
刑夜儆百工使無愒淫而後即安卿大夫朝考其職書
講其庶政夕序其業夜庀其家而後即安士朝而受業
晝而講夕而習復夜而計過無憾而後即安自庶人以
下明而動晦而體無日以怠王后親織玄紵公侯之夫
人加之以紵紵卿之內子爲大帶命婦成祭服列士之
妻加之以朝服自庶士以下皆衣其夫社而賦事烝而
獻功男女效績愆則有辟古之制也君子勞心小人勞

名臣奏議 卷之一
先王之訓也。自上以下，誰敢淫心舍力？今我寡也，而又在下位，朝夕處事，猶恐忘先王之業，況有怠惰？其何以避辟？吾翊而朝夕修。我曰：必無廢先人。爾今日胡不？自安？以是承君之官，余懼穆伯之絕祀也。仲尼聞之曰：弟子志之，季氏之婦不淫矣。

○管仲論四民

周莊王十二年

桓公始伯，會諸侯爲盟主，問於管仲曰：成民之事若何？對曰：四民者，勿使雜處，雜處則其言不龍，其事易若。聖王之處士也，使就閑燕；處工，就官府；處商，就市井；處農，就田野。令夫士群萃而州處，閒燕則父與父言義，子與子

言者其事君者言敬其幼者言悌少而習焉其心安焉
不見異物而遷焉是故其父兄之教不肅而成其子承
之學不勞而能

○內政寄軍令

周莊王十二年

桓公曰吾欲從事於諸侯爲之若何對曰作內政而寄
軍令於是制國五家爲軌軌爲之長十軌爲里里置有
司四里爲連連爲之長十連爲鄉鄉有良人馬以爲軍
令五家爲軌故五人爲五軌長帥之十軌爲里故五十
人爲小戎里有司帥之四里爲連故二百人爲卒連長
帥之十連爲鄉故二千人爲旅鄉良人帥之五鄉一帥

故萬人爲一軍、五鄉之帥帥之三軍、故有中軍之鼓、有國子之鼓、春以饗振旅、秋以獮治兵、是故卒伍整於里、軍旅整於郊、內教既成、勿令使遷徙、伍之人祭祀同福、喪死同恤、禍災共之、人與人相疇家、與家相疇、世同居、少同游、故夜戰聲相聞、足以不乖、晝戰目相視、足以相識、其歡欣足以相洽、死居同樂、行同和、死同哀、是故守則同固、戰則同疆、君有此士也、三萬人以方行天下、以誅無道、以屏周室、天下大國之君莫之能禦、

○管仲尊周疏

周襄王元年

齊桓公會於葵丘、王使宰孔致胙於桓公、使無下拜、管

仲曰爲君不君爲臣不臣之本也桓公懼出曰天威
不遠咫尺小白余敢貪天子之命隕越於下以遺天子
羞敢不下拜乃下拜登受

富辰諫取翟女

周襄王十七年

十七年王降翟師以伐鄭王德翟人將以其女爲后富
辰諫曰不可夫婚姻禍福之階也利內則福由之利外
則取禍今王外利矣其無乃階禍乎王曰利何如而內
何如而外對曰尊貴明賢庸勲長老愛親禮新親舊然
則民莫不審固其心力以役上令官不易方而財不匱
竭求無不至動無不濟百姓兆民夫人奉別而歸諸上

是利之內也。若七德離判，民乃攜貳，各以利退，上求不
暨，是其外利也。夫翟無列於王室，鄭伯南也。王而卑之，
是不尊貴也。翟豺狼之德也。鄭未失國典，王而蔑之，是
不明賢也。平桓莊惠皆受鄭勞，王而棄之，是不庸勲也。
鄭不捷之齒長矣。王而弱之，是不長老也。翟隗姓也。鄭
出自宣王，王而虐之，是不愛親也。夫禮新不間舊，王以
翟女間姜姁，非禮且棄舊也。王一舉而棄七德，故曰利
外矣。書有之曰：必有忍也，若能有濟也。王必不忍，小忿
而棄鄭，又登叔隗以階翟，翟封豕豺狼也不可厭也。王
弗聽。

○王孫滿論鼎

周定王元年

楚子伐陸渾之戎遂至於雒觀兵於周疆定王使王孫滿勞楚子楚子問鼎之大小輕重焉對曰在德不在鼎昔夏之方有德也鑄鼎象物用能協於上下以承天休德之休明雖小重也其姦回昏亂雖大輕也天祚明德有所底止周德雖衰天命未改鼎之輕重未可問也楚子羞懼而退

○孔子

周靈王二十一年

魯用孔子爲中都宰孔子初仕爲中都宰制爲養生送死之節長幼異食強弱異任男女別塗路無拾遺器不

彫僞爲四寸之棺、五寸之槨、因立陵爲墳、不封不樹、行
之一年而四方之諸侯則焉、定公謂孔子曰、學子此法
以治魯國何如、孔子對曰、雖天下可平、何但魯國而已
哉、

孔子由大司寇攝行相事、七日而誅亂政大夫少正卯、
門人進問曰、夫少正卯魯之聞人也、夫子爲政而始誅
之、得無失乎、孔子曰、人有惡者五、而盜竊不與焉、一曰
心達而險、二曰行辟而堅、三曰言僞而辯、四曰記醜而
博、五曰順非而澤、此五者有一於人、則不得免於君子
之誅、而少正卯兼有之、故居處足以聚徒成群、言談

以飾邪營衆強足反是獨立此小人之雄桀也不可以
誅也是以湯誅尹諧文王誅潘正周公誅管叔太公
誅華仕管仲誅傅里乙子產誅鄧析央何此七子者皆
異世同心不可不誅也

初魯之敗羊有沈猶氏者常朝飲其羊以詐市人有公
慎氏者妻淫不制有慎潰氏者奢侈踰法魯之鬻六畜
者飾之以儲價及孔子之爲政也則沈猶氏不敢朝飲
其羊公慎氏出其妻慎潰氏越境而徙三月則鬻牛馬
者不儲價賣羔豚者不加飾男女行者別其塗道不拾
遺男尚忠信女尚貞順

子產不毀鄉校

周景王二年

鄭人游於鄉校以論執政然明謂子產毀鄉校何如子
產曰夫人朝夕退而遊焉以議執政之善其所善者吾
則行之其所惡者吾則改之是吾師也若之何毀之我
聞忠善以損怨不聞作威以防怨豈不遽止然猶防川
大決所犯傷人必多吾不克救也不如小決使道不如
吾聞而藥之也然明日今而後知吾子之信可事也若
果行此鄭國實賴之豈唯二三臣仲尼聞之曰謂子產
不仁吾不信也

○告子太叔爲政

周景王二十三年

子產有疾謂子太叔曰我死子必爲政唯有德者能以寬服民其次莫如猛夫火烈人望而畏之故鮮死焉水懦弱民狎而玩之則多死焉故寬難疾數月而卒仲尼聞之出涕曰古之遺愛也。

○伍員諫釋越

周敬王二十六年

夫差伐越使大夫種行成於吳夫差許之伍員諫曰不可臣聞之樹德莫若滋去疾莫如盡昔夏少康有田一成有衆一旅能布其德而兆其謀遂滅過戈復禹之績今吳不知過戈而越大於少康或將豐之不亦難乎勾踐能親而務施施不失人親不棄勞與我同壤而世爲

仇敵於是乎克而弗取將又存之違天而長寇讐後雖悔之不可及已姬之衰也日可俟也介在蠻夷而長寇讐以是求伯必不行矣弗聽

○吳起論險 周安王十五年

武侯浮西河而下中流顧謂吳起曰美哉山河之固魏國之寶也起曰在德不在險昔三苗氏左洞庭右彭蠡德義不修禹滅之桀之居左河濟右泰華伊闕在其南羊腸在其北修政不仁湯放之紂之國在孟門右太行恒山在其北大河經其南修政不德武王殺之由此觀之在德不在險若君不修德舟中之人皆敵國也武侯

四書

、衛鞅變法

周顯王十年

秦衛鞅欲變法秦人不悅鞅言於孝公曰夫民不可與
慮始而可與樂成論至德者不和於俗成大功者不謀
於衆是以聖人苟可以強國不法其故甘龍曰不然緣
法而治者吏習而民安之衛鞅曰常人安於故俗學者
溺於所聞以此兩者居官守法可也非所與論於法之
外也智者作法愚者制焉賢者更禮不肖者拘焉公曰
善以衛鞅爲左庶長卒定變法之令令民爲什伍而相
收司連坐告奸者與斬敵首同賞不告奸者要斬有軍

功者各以率受上爵爲私闘者各以輕重被刑大小僇力本業耕織致粟米多者復其身事末利及怠而貧者舉以爲牧孥宗室非有軍功論不得爲屬籍明尊卑爵秩等級各以差次名田宅臣妾衣服有功者顯榮無功者雖富無所芬華乃下令行之十年秦國道不拾遺山無盜賊民勇於公戰怯於私闘鄉邑大治

○子思論官人

周顯王二十三年

子思言爲變於衛侯曰其材可將五百乘公曰吾知其可將然變也嘗爲吏賦於民而食人二鷄子故弗用也子思曰夫聖人之官人猶匠之用木也取其所以棄其

所短故杞梓連抱而有數尺之朽良工不棄今君處戰國之世選爪牙之士而以二卵棄千城之將此不可使聞於鄰國也公再拜曰謹受教矣

○子思論衛事 周顯王二十三年

子思言於衛侯曰君之國事將日非矣君出言自以爲是而卿大夫莫敢矯其非卿大夫出言自以爲是而士庶人莫敢矯其非君臣既自賢矣而群下同聲贊之贊之則順而有福矯之則逆而有禍如此則善安從生詩曰具曰予聖誰知烏之雌雄抑亦似君之君臣乎

○蘇秦說六國 周顯王二十六年

初洛陽人蘇秦說秦王以兼天下之術秦王不用其言
蘇秦乃去說燕文公曰燕之所以不犯寇被兵者以趙
爲之蔽也願大王與趙從親天下爲一則燕國必無患
矣文公從之資蘇秦車馬以說趙肅侯曰當今山東之
國莫強於趙秦之所害亦莫如趙然而秦不敢伐趙者
畏韓魏之議後也秦之攻韓魏也無有名山大川之限
稍蚕食之韓魏不能支必入臣於秦秦無韓魏之規則
禍中於趙矣夫衡人者皆欲割諸侯之地以與秦秦成
則其身富榮國被秦患而不與其憂竊爲大王計莫若
一韓魏齊楚燕趙爲從親以橫秦令天下之將相會於

洹水之上約曰秦攻一國五國各出銳師或撓秦或救之有不如約者五國共伐之則秦甲必不敢出函谷以害山東矣肅侯大悅厚待蘇秦尊寵賜資之以約於諸侯於是蘇秦說韓王曰夫韓地方九百餘里帶甲數十萬天下之強弓勁弩利劍皆從韓出今大王事秦秦必求宜陽成臯今茲效之明年又復求割地地有盡而秦之求無已鄙諺曰寧爲鷄口無爲牛後以大王之賢挾強韓之兵而有牛後之名竊爲大王羞之韓王從其言蘇秦說魏王曰大王之地方千里武士三十萬荅頭二十萬奮擊二十萬廝徒十萬車六百乘騎五千匹乃聽

群臣之說而欲臣事秦願大王熟察之魏王聽之蘇秦
說齊王曰齊四塞之國地方二千餘里帶甲數十萬粟
如丘山臨淄之塗車轂擊人肩摩建社成帷麾汗成雨
夫韓魏之所以重畏秦者爲與秦接境也今秦之攻齊
則不然雖欲深入則恐韓魏之議其後秦之不能害齊
亦明矣夫不料秦之無柰齊何而欲西面而事之是群
臣之計過也齊王許之乃南說楚王曰楚天下之強國
也地方六千餘里帶甲百萬粟支十年此伯王之資也
楚強則秦弱秦強則楚弱其勢不兩立故爲大王計莫
若從親以孤秦故從親則諸侯割地以事楚衡合則楚

割地以事秦此兩策者相去遠矣大王何居焉楚王亦許之於是蘇秦爲從約長并相六國北報趙車騎韓重擬於王者

司馬錯論伐蜀

周慎觀王五年

巴蜀相攻俱告急於秦司馬錯請伐蜀張儀曰不如伐韓臣聞爭名者於朝爭利者於市今三川周室天下之市朝也而王不爭焉顧爭於戎翟去王業遠矣錯曰不然臣聞之欲富國者務廣其地欲強兵者務富其民欲王者務博其德三資備而王隨之矣夫蜀西僻之國而戎翟之長也有桀紂之亂以秦攻之譬如使豺狼逐群

羊拔一國而天下不以爲暴。利盡四海而天下不以爲貪。而又有禁暴止亂之名。是我一舉而名實附焉。今攻韓劫天子。惡名也。而攻天下之所不欲。又未必利也。不如伐蜀。惠王起兵代蜀。取之。秦益富彊。

○郭隗致士對

周赧王三年

昭王謂郭隗曰。齊因孤之國亂而襲破燕。孤極知燕小力少。不足以報。然誠得賢士與共國。以雪先王之耻。孤之願也。先生視可者。得身事之乎。隗曰。古之君人有以千金使涓人求千里馬。馬已死。買其首五百金而返。君怒。涓人曰。死馬且買之。況生者乎。馬今至矣。不期年

千里之馬至者三今王必欲致士先從隗始况贖於隗者豈遠千里哉燕王以師事之於是士爭趣燕

武公論楚圍周

周赧王三十四年

楚欲圍周王使東周武公謂楚令尹昭子曰西周之地不過百里而名爲天子之共主裂其地不足以肥國得其民不足以勁兵而攻之者名爲弑君然而猶有欲攻之者見祭器在焉故也夫虎肉臊而兵利身人猶攻之若使澤中之麋蒙虎之皮人之攻之必萬倍矣裂楚之地足以肥國詘楚之名足以尊主今子欲殘天下之共地居三代之傳器器南則兵至矣於是楚計不行

○范雎論遠交近攻

周赧王四十五年

秦使者王稽至魏，潛載范雎以歸。王見之，離宮置酒，說秦。王曰：「以秦國之大，士卒之勇，以治諸侯，辟如走韓、盧而搏蹇兔也，而閉關十五年不敢窺兵於山東者，是穰侯爲秦謀不忠，而大王之計亦有所失也。」王跽曰：「願聞失計。」雎曰：「夫穰侯越韓而攻齊，非計也。今王不如遠交而近攻，得寸則王之寸也，得尺則王之尺也。今夫韓、魏中國之歲，而天下之樞也。王若欲伯，必親中國以爲天下樞，以威楚、趙。楚、趙附，齊必懼矣。齊附，則韓、魏因可虜也。」王曰：「善。」乃以范雎爲客卿，與謀國事。國

○魯仲連止魏帝秦

周赧王五十七年

魏使晉鄙救趙秦王使謂魏曰吾攻趙旦暮且下諸侯
敢救者必移兵先擊之魏王恐止晉鄙又使將軍新垣
衍趙說王欲共尊秦爲帝以却其兵魯仲連聞之往見衍
曰彼秦者棄禮義而上首功之國也彼即肆然而爲帝
則連有蹈東海而死耳不願爲之民也今秦萬乘之國
也梁亦萬乘之國也從而帝之秦將行天子之禮以號
令於天下變易諸侯之大臣彼將奪其所不肖而與其
所賢奪其所憎而與其所愛衍起再拜曰吾乃今知先
生天下士也不敢復言帝秦矣

○荀況論兵將

秦昭襄王五十二年

楚以荀況爲蘭陵令。荀卿嘗與臨武君論兵於趙孝成王前。王曰：「請問兵要。」對曰：「要在附民。夫仁人之兵，上一心，三軍同力。臣之於君也，下之於上也。若弟子事父，兄若手臂之捍頭目，而覆胸腹也。故兵要在於附民而已。」王曰：「請問爲將。」卿曰：「號令欲嚴，以威賞罰欲必，以信。處舍欲周，以固。徙舉進退欲安，以重。欲疾，以速。窺敵觀變，欲潛以深。欲伍以參，過敵決戰，必行吾所明，無行吾所疑。夫是之謂六術。無欲與而惡廢，無怠勝而忘敗，無威內而輕外，無見利而不顧其害。凡慮事欲熟而用財。」

欲泰失是之謂五權可殺而不可使處不完可殺而不
可使擊不勝可殺而不可使欺百姓夫是之謂三至凡
百事之成也必在敬之其敗也必在慢之故敬勝怠則
吉怠勝敬則滅計勝欲則從欲勝計則凶戰如守行如
戰有功如幸慎此六術五權三至而處之以恭敬無曠
是之謂天下之將

、縮高辭攻管

秦莊襄王三年

安陵人縮高之子仕於秦守管信陵君攻之不下使人
召高將以五大夫執節尉而使攻管高對曰父攻子守
人之笑也見臣而下是信主也父教子信亦非君之所

喜敢辭無陵怒使謂安陵君生東縮高而致之不然無
忌將十萬之師以造城下安陵君曰吾先君成侯受詔
襄王以守此城也手受太府之憲其上篇曰子弑父臣
弑君有常不赦今高辭大位以全父子之義而君曰必
生致之是使我負襄王之詔而廢太府之憲也縮高聞
之曰信陵君爲人悍猛而自用此辭反必爲國禍吾已
全已無違人臣之義矣豈可使吾君有魏患乎乃之使
者舍刎頸而死信陵君聞之縞素避舍而遣使謝安陵
君

○茅焦解衣亢諫

秦始皇九年

秦遷太后於雍秦之臣以諫死者二十七人齊客茅焦請諫王大怒按劍而坐焦徐行至前諫曰臣聞有生者不諱死有國者不諱亡諱死者不可以得生諱亡者不可以得存死生存亡聖主所欲急聞也陛下欲聞之乎王曰何謂也焦曰陛下有狂悖之行四不自知耶車裂假父有嫉妬之心囊樸二弟有不慈之名遷母於雍有不孝之行殘戮諫士塞直言之路桀紂之行不至於是矣令天下聞之盡瓦解無向秦者臣竊爲陛下危之臣言已矣乃解衣伏質王下殿手接之爵以上卿迎太后歸

○李斯諫逐客

秦始皇十年

秦賓客日盛宗室大臣諫曰諸侯人來仕者皆其主遊
間耳請一切逐之楚人李斯行且上疏曰昔穆公求士
西取由余於戎東得百里奚於宛迎蹇叔於宋求丕豹
公孫支於晉并國二十遂伯西成孝公用商鞅之法諸侯
親服至今治強惠王用張儀之計散六國之從使之事
秦昭王得范雎強公室杜私門此四君者皆以客之功
由此觀之客何負於秦哉臣聞泰山不讓土壤故能成
其大○河海不擇細流故能就其深○王者不却衆庶故能
明其德○此五帝三王之所以無敵也○今乃棄黔首以資

敵國却賓客以業諸侯所謂藉寇兵而齎盜糧者也。王乃召李斯優其官遂除逐客之令。

、即墨大夫諫齊

秦始皇二十六年

初齊君王后事秦謹與諸侯信齊亦東邊海上秦日夜攻五國五國各自救以故王建立四十餘年不受兵君王后且死戒建曰群臣之可用者某王取筆牘受言后曰已忘之矣君王后死后勝相齊多受秦間金勸王朝秦不修戰備不助五國攻秦秦以故得滅五國齊人憚入秦雍門司馬前曰所爲立王者爲社稷耶王曰爲社稷司馬曰爲社稷而立王則王何爲去社稷而入秦王

乃還即墨大夫聞之見王曰齊地方數千里帶甲數百萬今三晉大夫不便秦而在阿鄆之間者百王與之數萬之衆使收晉故地即臨晉之關亦可矣鄆郢大夫不欲爲秦而在城南下者數王與之數萬之衆使收楚故地即武關可入矣如此則齊威可立秦國可亡豈特保其國家而已哉王不聽

李斯議建郡縣

秦始皇二十六年

丞相綰等言燕齊荆地遠不爲置王無以鎮之請立諸子始皇下其議廷尉李斯諫曰周文武所以封子弟同姓甚衆然後屬踈遠相攻擊如仇讐周天子弗能禁止

今海內賴陛下神靈一統皆爲郡縣諸子功臣以公賦稅重賞賜之甚足易制天下無異意則安寧之術也置諸侯不便始皇曰天下共苦鬪戰不休以有侯王賴宗廟天下初定又復立國是樹兵也而求其寧息豈不難哉廷尉議是分天下爲三十六郡置守尉監收天下兵聚咸陽銷以爲鍾鐻金人十二重各千石置宮庭中更名民曰黔首

歷代名臣奏疏卷之二

明太史王錫爵擇

○董公說漢王發義帝喪

漢高帝元年

漢王南渡平陰津至洛陽新城三老董公遮說王曰臣聞順德者昌逆德者亡兵出無名事故不成故曰明其為賊敵乃可服項羽為無道故殺其主天下之賊也夫仁不以勇義不以力大王宜率三軍之衆為之服素以告諸侯而伐之則四海之內莫不仰德此三王之舉也於是漢王為義帝發喪告諸侯曰天下共立義帝今項羽故殺之寡人親為發喪兵皆編素悉發關中兵收三

河士南浮江漢以下、願從諸侯王擊楚之殺義帝者、

○韓信拜將對

漢高帝元年

漢王以韓信為大將、問曰丞相數言將軍、將軍何以教寡人計策、信辭謝、因問王曰、今東鄉爭權天下、豈非項王耶、漢王曰然、曰大王自料勇悍仁強孰與項王、漢王良久曰不如也、信曰信亦以為大王不如也、然臣嘗事之、請言項王之為人、也、項王嗜啞叱咤、千人自廢、然不能任屬賢將、此特匹夫之勇耳、項王見人恭敬慈愛、言語嘔嘔、人有疾病、涕泣分飲食、至使人有功、當封爵者、印刻敝、忍不誅予、此所謂婦人之仁也、項王雖伯天下、

臣諸侯不居關中而都彭城於逐義帝所過無不殘滅
名雖爲伯實失天下之心故其強易弱今大王誠能反
其道任天下武勇何所不誅以天下城邑封功臣何所
不服以義兵從思東歸之士何所不散且三秦王爲將
將秦子弟數歲矣欺其衆降諸侯至新安項王詐坑秦
降卒二十餘萬唯獨邯欣翳得脫秦父兄怨此三人痛
入骨髓今楚強以威王此三人秦民莫愛也大王入關
秋毫無所害除秦苛法秦民無不欲得大王王秦者今
大王舉而東三秦可傳檄而定也於是漢王大喜自以
爲得信晚遂聽信計八月信引兵從故道出襲雍雍王

邯鄲戰敗走塞王欣翟王翳皆降、

○張良借箸畫策

漢高帝二年

酈食其說王立六國之後王具以告良良曰臣請借前箸爲大王籌之遂發八難一曰昔湯武伐桀紂封其后
尚度能制其死命也今陛下能制項籍死命乎二曰武
王入殷表商容閭釋箕子囚封比干墓今陛下能乎三
曰發鉅橋之粟散鹿野之財以賜貧窮今陛下能乎四
曰殷事已畢偃車爲軒倒載干戈示不復用今陛下能
乎五曰休馬華山之陽示無所爲今陛下能乎六曰息
鉅野之野示天下不復輸積今陛下能乎七八曰天

下遊士雖親戚棄墳墓從大王遊者徒欲望尺寸之地
今復立六國後遊士各歸事其主大王誰與取天下乎
楚惟無強六國復撓而從之大王焉得而臣之乎誠用
客謀天下事去矣漢王遂銷印

○酈生說漢王取敖倉

漢高帝三年

楚拔成皐欲西漢王欲捐成皐以東屯鞏洛以距楚酈
生曰知天之天者王事可成王者以民爲天民以食爲
天夫敖倉天下轉輸久矣藏粟甚多楚人拔滎陽不堅
守敖倉乃引而東此天所以資漢也願足下急進兵收
取滎陽據敖倉之粟塞成皐之險杜太行之道距蜚狐

之口、守白馬之津、以示諸侯形制之勢、則天下知所歸矣。王從之、乃復謀取敖倉。

○婁敬說都長安

漢高帝五年

齊人婁敬戍隴西、過洛陽、脫輓輅、衣羊裘、因虞將軍見上、曰：「陛下都洛陽、豈欲與周室比隆哉？」上曰：「然。」婁敬曰：「洛邑天下之中、有德則易以王、無德則易以亡。夫秦地披山帶河、四塞以爲固、卒然有急、百萬之衆可具。此亦阨天下之吭而拊其背也。」帝問群臣、群臣皆山東人、爭言周王數百年、秦二世即洛陽、東有成皋、西有殽池、背河面洛、其固足恃也。上問張良、良曰：「洛陽雖有此固、四

面受敵非用武之國也、關中左轂函右隴、蜀沃野千里、阻三面而固守、獨以一東面制諸侯、此謂金城千里、天府之國、婁敬說是也、上即日車駕西都長安、

○叔孫通諫易太子

漢高帝十一年

上欲易太子、叔孫通諫曰、晉獻公以驪姬之故廢太子、立夷齊、晉國亂者數十年、秦以不早定扶蘇、令趙高得、以詐立胡亥、自使滅祀、此陛下所親見、今太子仁孝、天下皆聞之、陛下必欲廢嫡而立少、臣願先伏誅以頸血汚地、帝曰、吾直戲耳、通曰、太子天下本、本一搖、天下震動、柰何以天下爲戲乎、乃止不立、

○賈山至言

漢文帝二年

潁陰侯騎賈山上書言治亂之道借秦爲喻名曰至言其辭曰臣聞雷霆之所擊無不摧折者萬鈞之所壓無不糜滅者今人主之威非特雷霆也勢重非特萬鈞也開導以求諫和顏色而受之用其言而顯其身士猶恐懼而不敢自盡又况於縱欲恣暴惡聞其過乎震之以威壓之以重雖有堯舜之智賁育之勇豈有不摧折者哉如此人主不得聞過社稷危矣昔者周蓋千八百國以九州之民養千八百之君君有餘財民有餘力而頌聲作秦皇帝以千八百國之民自養力罷不能勝其役

財盡不能勝其求其所自養者馳騁戈獵之娛天下弗
能供也今陛下使天下舉賢良方正之士天下皆訢訢
曰將興堯舜之道三王之功矣天下之士莫不精白
以承休德今選其賢者與之馳騁射獵一日再三出臣
恐朝廷之懈弛也陛下即位親自勉以厚天下節用愛
民平獄緩刑天下莫不說喜臣聞山東吏布詔令民雖
老羸癯疾扶杖而往聽之願少頃吏無死思見德化之
成也今豪傑之臣方正之士車與之日月獵射擊兔伐
狐以傷大業絕天下之望臣竊悼之夫士修之於家而
壞之於天子之庭臣竊慙之陛下與衆臣宴游與大臣

方正朝廷論議游不失樂朝不失禮議不失計軌事之大者也上嘉納其言

○賈誼論積貯

漢文帝三年

賈誼說上曰一夫不耕或受之饑一女不織或受之寒生之有時而用之亡度則物力必屈管子曰倉廩實而知禮節衣食足而知榮辱民不足而可治者自古及今未之嘗聞漢之爲漢幾四十年公私之積猶可哀痛世之有饑穰天之行也禹湯被之矣即不幸有方二三千里之旱國胡以相恤卒然邊境有急數十百萬之衆國以餽之夫積貯者天下之大命也苟粟多而財有餘

何爲而不成以攻則取以守則固以戰則勝懷敵附遠
何招而不至今毆民而歸之農使天下各食其力末技
游食之民轉而緣南畝則蓄積足而人樂其所矣上感
詔言詔曰夫農者天下之本也其開籍田朕親率耕以
給宗廟粢盛

賈誼治安策

漢文帝十年

是時匈奴強侵邊諸侯王僭擬淮南濟北皆以逆誅梁
太傅賈誼乃上疏曰臣竊唯今之事執可爲痛哭者一
可爲流涕者二可爲長太息者六若其他背理而傷道
者難偏以疏舉進言者皆曰天下以安以治矣臣獨以

爲未也。夫抱火厝之積薪之下，而寢其上，火未及燃，因謂之安，方今之執，何以異此？陛下何不壹令臣得熟數之於前，因陳治安之策，試詳擇焉？夫建久安之執，成長治之策，以宰天下，以育群生，立經陳紀，輕重同得，後可爲萬世法程至明也。以陛下之明達，因使少知治體者，得佐下風，致此非難也。夫樹國固必相疑之執，甚非所以安上而全下也。今或親弟謀爲東帝，親兄之子西向而擊，今吳又見告矣。天子春秋鼎盛，行義未過，德澤有加焉，猶尚如是，況莫大諸侯權力且十此者乎？屠牛墮一朝解十二牛，而芒刃不鈍者，其排擊剝割，皆衆理解，解

也。至於翫髀之所非斤則斧。夫仁義恩厚。人主之芒刃也。權勢法制。人主之斧斤也。今諸侯王衆。翫髀也。釋斧斤之用。而欲嬰以芒刃。臣以爲不缺則折。欲天下之治安。莫若衆建諸侯而少其力。力少則易使。以義國小則亡邪心。令海內之執如身之使臂。臂之使指。莫不制從。諸侯之君莫敢有異心。輻輳並進而歸命天子。割地定制。地制一定。宗室子孫莫慮不王。下無背畔之心。上無誅伐之志。法立而不犯。令行而不逆。即赤子天下之上。而安植遺腹。朝委裘而天下不亂。陛下誰憚而久不爲此。天下之執方病大瘡。一脛之大幾如腰。一指之大幾

於股平居不可屈伸失今不治必爲痼疾○後雖有扁鵲不能爲已○可痛哭者此也○天下之執方倒懸○天子者天下之首○何也○上也○蠻夷者天下之足○何也○下也○今匈奴嫚侮侵掠○至不敬也○而漢歲致金絮采繒以奉之○足反居上○首顧居下○倒懸如此○莫之能解○猶爲國有人乎○可爲流涕者此也○臣竊料匈奴之衆○不過漢一大縣○以天下之大○困於一縣之衆○甚爲執事者羞之○陛下何不試以臣爲屬國之官○而主匈奴○行臣三表五餌之計○請必擊單于之脛○而制其命○伏中行說而箝其背○要匈奴之衆○唯上所令○今不獵猛獸○而獵白羝○不搏及寇○而搏畜

免翫細娛而不圖大患德可遠加而直數百里外威令
不伸可爲流涕者此也今庶人屋壁得爲帝服倡優下
賤得爲后飾且帝之身自衣皂綈而富民墻屋被文綉
天子之后以緣其領庶人孽妾以緣其履此臣所謂舛
也夫百人作之不能衣一人欲天下亡寒胡可得也一
人耕之十人聚而食之欲天下亡饑不可得也饑寒切
於民之肌膚欲其亡爲奸邪不可得也可爲長太息者
此也商君遺禮義棄仁恩并心於進取行之二歲秦俗
日敗秦人家富子壯則出分家貧子壯則出贅借父耰
鉏慮有德色母取箕箒立而諄語抱哺其子與公併肩

婦姑不相說則反唇而相稽其慈子嗜利不同禽獸者
亡幾矣今其遺風餘俗猶尚未改棄禮義捐廉耻日甚
可謂月異而歲不同矣今之盜者剽寢戶之廉奪兩廟
之器白晝大都之中剽吏而奪之金此其無行義之尤
至者也而大臣特以簿書不報期會之間以爲大故至
於俗流失世壞敗因恬而不知怪慮不動於耳目以爲
是適然耳夫移風易俗使天下回心而鄉道非俗吏之
所能爲也俗吏之所務在於刀筆筐篋而不知大體竊
爲陛下惜之管子曰禮義廉耻是謂四維四維不張國
將滅亡使管子愚人也則可管子而少知治體則是上

不可爲寒心哉。今四維猶未備也。豈如今定經制令君
君臣臣上下有差。父子六親各得其宜。此業一定。世世
常安。而後有所持循矣。若夫經制不定。是猶渡江河。亡
維楫。中流而遇風波。船必覆矣。可爲長太息者此也。夏
殷周爲天子。皆數十世。秦爲天子。二世而亡。人性不甚
相遠也。何三代之君有道之長。而秦無道之暴也。其故
可知也。古之王者。太子乃生。固舉以禮。有司齋肅。端冕
見之。南郊過關。則下過廟。則趨。故自爲赤子而教固已
行矣。孩提有識。三公三少。明孝仁禮義以道習之。逐去
邪人。不使見惡行。於是皆選天下之端士。孝悌博聞有

道術者以衛翊之使與太子居處出入故太子乃生而見正事聞正言行正道左右前後皆正人也夫習與正人居之不能毋正猶生長於齊不能不齊言習與不正人居之不能毋不正猶生長於楚不能不楚言也孔子曰少成如天性習慣如自然習與智長故切而不媿化與心成故中道若性夫三代之所以長久者以其輔翊太子有此具也及秦則不然使趙高傳胡亥而教之獄所習者非斬剗人則夷人之三族也故胡亥今日即位而明日射人忠諫者謂之誹謗深計者謂之妖言其視殺人若刈草菅然豈惟胡亥之性惡哉彼其所以

道之者非其理也。鄙諺云：前車覆後車。誠天下之公理。於太子太子之善在于蚤諭教。與選左右。夫心未盥而先諭教則化易成也。教得而左右正則太子正而天下定矣。凡人之知能見已然不能見將然。夫礼者禁於將然之前而法者禁于已然之後。是故法之所為用易見而礼之所為用难然也。若夫慶賞以勸善刑罰以懲惡先王執此之政堅如金石行此之令信如四時據此之公無私如天地豈頑不用哉。然而曰禮云禮云者貴絕惡於未萌而起教於微眇使民日遷善遠罪而不自知也。世主欲民之善同而所以使民善者異或道之以德

教或毆之以法令道以德教者德教洽而民氣樂毆以
法令者法令極而民風哀哀樂之間禍福之應也夫今
之置器置諸安則安置諸危則危天下大器也在天子
之野置之湯武置天下於仁義禮樂累千孫數十世此
天下所共聞也秦王置天下於法令刑罰禍戾及身子
孫誅絕此天下所共見也是非其明效大驗耶今或言
礼象不如法令教化不如刑罰胡不引殷周秦事觀之
人主之尊譬如堂群臣如陛衆庶如地故陛九級上
廣遠地則堂高陛無級廣近地則堂卑高者唯崇卑者
易陵理勢然也故古圣王制為等列內有公卿大夫士

外有公侯伯子男然後有官司小吏及庶人等級分明而天子加焉故其尊不可及也諺云欲投鼠而忌器此善論也鼠近于器尚憚不投恐傷其器况貴臣之近主乎庶耻礼節以治君子故有賜死而無戮辱是以黜削之辜不及大夫礼不敢齒君之路馬驚其弱者有罰所以為主上豫遠不敬也今自王侯三公之貴皆天子所改容而礼之者也吾之所謂伯父伯舅也令與衆庶同黜削髡刑棄市之法然則堂不無陛乎被戮辱者不大迫乎庶耻不行大臣無乃握內權大官而有徒隸無耻之心乎夫夷望之事二世見當以重法者投鼠而不忌

器之習也。臣聞履雖鮮不加于枕，冠雖敝不以苴履。夫已嘗在貴寵之後，天子改容而禮貌之矣，吏民崇俯伏以敬畏之矣，有過廢之可也，退之可也，賜之死可也，減之可也。若束縛之係縲，輸之司寇，編之後官，小吏詈罵而撻笞之，殆非所以令衆庶見也。夫卑賤者習知尊貴者之一旦，吾亦乃可以加此也，非尊、貴之化也。古者大臣坐不廡而廢者，曰簠簋不飭，坐汙穢淫亂者，曰帷簿不修，坐罷軟不勝任者，曰下官不職。故貴大臣愛刑臯矣，猶然斤然正以呼之也。尚遷就而為之諱也，其在犬彘大訶之域者，則白冠繫纓，盤水如劍，造請罪。

室而請事，不執縶繫引而行也。其有中辜者，聞命而自弛；上不使人頸繯而加也。其有大辜者，北面再拜跪而自裁；上不使人捽抑而刑之也。曰：子大夫自有過爾。吾遇子有禮矣。遇之有禮，故群臣自憚，嬰以廉耻，故入於節行，化成俗定，則爲入臣者皆顧行而忘利，守節而仗義，故可以託不御之權，可以寄六尺之孤。此厲廉耻，行禮誼之所致也。主上何喪焉？此之不爲，而顧彼之失行，故曰可爲長太息者，此也。上深納其言。

晁錯言兵事

漢文帝十一年

匈奴數爲邊患。晁錯上言兵事曰：臣聞用兵臨戰，合刃

之急有三。一曰得地形。二曰卒服習。三曰器用利。故兵法器械不利。以其卒予敵也。卒不可用。以其將予敵也。將不知兵。以其主予敵也。君不擇將。以其國予敵也。四者兵之至要也。臣又聞大小異形。強弱異勢。險易異備。夫卑身以事強。小國之形也。合小以攻大。敵國之形也。以蠻夷攻蠻夷。中國之形也。今匈奴地形技藝與中國異。上下山阪。出入溪澗。中國之馬弗與也。險道傾仄。且馳且射。中國之騎弗與也。風雨罷勞。饑渴不困。中國之人弗與也。此匈奴之長技也。若夫平原易地。輕車突騎。剽疾之衆。易撓亂也。勁弩長戟。射疏及遠。則匈奴之

子弗能格也。堅甲利刃，長短相雜，遠近往來，什伍俱前。
則匈奴之兵弗能當也。材官騶發，矢道同的，則匈奴之
革筈木薦弗能支也。下馬地闊，劍戟相接，去就相薄，則
匈奴之足弗能給也。此中國之長技也。以此觀之，匈奴
之長技三：中國之長技五。帝王之道，出於萬全。今降胡
義渠來歸，義者數千，長技與匈奴同，可賜之堅甲利兵，
益以邊郡之良騎，平地通道，則以輕車財官制之。兩軍
相爲表裏，此萬全之術。帝嘉之，賜書寵焉。

晁錯守邊備塞疏

漢文帝十一年

臣聞秦時北攻胡貉，南攻楊粵，非以衛邊地而救民死。

也貪戾而欲廣大也故功未立而天下亂夫胡貉之人其性耐寒楊粵之人其性耐暑秦之戍卒不耐其水土成者死於邊輸者償於道秦民見行如往棄市天下明知禍烈及已也陳勝行戍至於大澤爲天下先倡天下從之秦以威劫而行之之敝也今陛下憂邊境遣將吏發卒以治塞甚大惠也然令遠方之卒守塞一歲而更不如選常居者爲屋室具田器募民免罪拜爵復其家平公夏衣廩胡人入驅而能止所驅者以其半予之如是則邑里相救助赴胡不避罪非以德上也欲全親戚而利其財也此與東方之戍卒不習地勢而心畏胡者

功相萬也

晁錯請入粟拜爵疏

漢文帝十二年

晁復言於上曰堯有九年之水湯有七年之旱而國亡捐瘠以蓄積多而備先具也今海內爲一土地人民之衆不減湯禹加以無天災數年之水旱而蓄積未及者何也地有餘利民有餘力生穀之土未盡墾山澤之利未盡出游食之民未盡歸農也夫寒之於衣不待輕煖饑之於食不待甘旨饑寒至身不顧廉耻人情一日不再食則饑終歲不製衣則寒夫腹饑不得食膚寒不得衣雖慈父不能保其子君安能以有其臣哉是故明君

貴五穀而賤金玉方今之務莫若使民務農而已欲民
務農在於貴粟貴粟之道在於使民以粟爲賞罰今募
天下入粟縣官得以拜爵得以除罪如此富人爲爵農
民有錢粟有所滲爵者上之所擅出於口而無窮粟者
民之所種生於地而不乏夫得高爵與免罪人之所甚
欲也使天下之人入粟於邊以受爵免罪不過三歲塞
下之粟必多矣帝從之令民入粟於邊拜爵各以多少
爲差錯復奏陛下幸使天下入粟以拜爵甚大惠
邊食足以支五歲可令入粟郡縣郡縣足支一歲以
上可時赦勿收農民租如此德澤加於萬民民愈勤農

大官樂與上復從其言詔賜農民今年租稅之半

○梅乘奏吳王書

漢景帝六年

臣聞得全者全失全者亡舜無立錫之地以有天下禹
無十戶之聚以有諸侯湯武之士不過百里有王術也
忠臣不避重誅以直諫臣乘願披腹心而效愚忠惟大
王少加意念惻怛之心於臣乘言夫以一縷之任繫千
鈞之重上懸之無極之高下垂之不測之淵雖甚愚之
人猶知哀其將絕也馬方駭鼓而驚之係方絕又重鎮
之係絕於天不可復結墜入深淵難以復出其出不出
間不容髮能聽忠臣之言百舉必脫必若所為危於累

卵難於上天○變所欲爲易於反掌○安於泰山○今欲極天
命之上壽○散無窮之極樂○究萬乘之勢○不出反掌之易○
居泰山之安○而欲乘累卵之危○走上天之難○此愚臣之
所大惑也○人有畏其景而惡其跡者○卻背而走○迹愈多○
景愈疾○不如就陰而止○欲人勿聞○莫若勿言○欲人勿知○
莫若勿爲○欲湯止沸○一人炊之○百人揚之○無益也○不如
絕薪止火而已○不絕之於彼○而欲救之於此○譬猶抱薪
而救火也○福生有基○禍生有胎○納其基○絕其胎○禍何自
來○泰山之雷穿石○卓極之統斷幹○水非石之鑿○索非木
之鑿○斷靡使之然也○夫銖銖而稱之○至石必差○寸寸而

度之至者必過而稱丈量徑而寡失磨礪砥礪其見其
頑有時而盡樹畜養不見其益有時而大積德累行
不知其善有時而用棄義背理不知其惡有時而作此
百世不易之道也

董仲舒天人策一

漢武帝建元元年

臣觀天人相與之際甚可畏也國家將有失道之敗而
天乃先出災眚以譴告之不知自省有出恠異以警懼
之尚不知變而傷敗乃至以此見天心之仁愛人君而
欲止其亂也自非大亡道之世者天盡欲扶持而公於
之事在勉強而已矣勉強學問則聞見博而知益明勉

強行道則德日起而大有功此皆可使還至而立有效者也。道者所繇適於治之路也。仁義禮樂皆其具也。故聖王已至而子孫長久安寧數百歲此皆禮樂教化之功也。周道於幽厲非亡道也。幽厲不繇也。至於宣王思昔先王之德興滯補敝明文武功業周道燦然復興此夙夜不懈行善之所致也。故治亂興廢在於已非天降命不可反也。臣聞命者天之令也。性者生之質也。情者人之欲也。堯舜行德則民仁壽桀紂行暴則民鄙夭。有治亂之所生故不齊也。王者欲有所爲宜求其端於天。天道之大者在陰陽。陽爲德陰爲刑。刑主殺而德主

生是故陽常居大夏而以生育長養爲事陰常居大冬而積於空虛不用之處以此見天之任德不任刑也王者承天意以從事故任德教而不任刑也今廢先王德教之官獨任執法之吏而欲德教之被四海難矣爲人君者正心以正朝廷正朝廷以正百官正百官以正萬民正萬民以正四方遠近莫敢不壹於正而亡有邪氣奸其間者是以陰陽調而風雨時群生和而萬物殖諸福之物可致之祥莫不畢至而王道終矣今陛下貴爲天子富有四海行高而恩厚知明而意美愛民而好士可謂誼主矣然而天地未應而美祥莫致者凡以教化

不立而萬民不正也。夫萬民之從利如水之走下。不以教化隄防之不能止也。古之王者莫不以教化爲大務。立學校以教於國。設庠序以化民於邑。漸民以仁。摩之以誼。節民以禮。故其刑罰甚輕而禁不犯者。教化行而習俗美也。聖王之繼亂世也。掃除其跡而悉去之。竊譬之琴瑟。不調甚者必解而更張之。乃可鼓也。爲政而不行甚者必變而更化之。乃可理也。古人有言曰。臨淵羨魚不如退而結網。臨政願治不如退而更化。更化則可善治。善治則災害日去。福祿日來。故漢得天下以來常欲治而至今不可善治者。失之於當更化而不更化也。

策二

臣聞聖王之治天下也、少則習之學、長則財諸位爵祿、以養其德、刑罰以威其惡、故民曉於禮誼而耻犯其上、武王行大誼、平殘賊、周公作禮樂以文之、至於成康、囹圄空虛四十餘年、此教化之漸而仁義之流也、至秦則不然、師申韓之議、憎帝王之道、以貪狼爲俗、誅名而不察實、爲善者不必免、而犯惡者未必刑也、是以百官皆飾虛辭而不顧實、外有事君之禮、內有背上之心、造僞飭詐、趨利無耻、是以刑者甚衆、死者相望、而奸不息、教化使然也、今陛下併有天下、莫不率服、而功不加於百

姓者殆王心未加焉耳。曾子曰：尊其所聞，則高明矣。行其所知，則光大矣。高明光大，不在於他，在乎加之意而已。願陛下因用所聞，設誠於內，而致行之，則三王何異哉！陛下夙寤晨興，務以求賢，亦堯舜之用心也。而未云獲者，士不素厲也。夫不素養士，而欲求賢，譬猶不琢玉而求文采也。故養士莫大乎太學。太學者，賢士之所關也。教化之本原也。願興太學，置明師，以養天下之士，數考問以盡其材，則英俊宜可得矣。郡守縣令，民之師帥，所使承流而宣化也。師率不賢，則主德不宣，恩澤不流。臣愚以謂使諸列侯郡守各擇其吏民之賢者，歲貢各

二人以給在衛且以觀大臣之能所貢賢者有賞所貢
不肖者有罰夫如是諸侯吏二千石盡心於求賢天下
之士可得而官使也毋以日月爲功實試賢能爲上量
材而授官錄德而定位則廉耻殊路賢不肖異處矣

○策三

臣聞天者群物之祖故遍覆包函而無所殊聖人法天
而立道亦溥愛而無私春者天之所以生也仁者君之
所以愛也夏者天之所以長也德者君之所以養也霜
者天之所以殺也刑者君之所以罰也故孔子作春秋
書邦家之過兼災異之變以此見人之所爲其美惡之

極乃與天地流通而往來相應此亦言天之一端也是
故人君不可不知春秋天令之謂命命非聖人不行實
樸之謂性性非教化不成人欲之謂情情非制度不節
是故王者上謹於承天意以順命也下務明教化民以
成性也正法度之宜別上下之序以防欲也修此三者
而大本舉矣人受命於天固超然異於群生入則有父
子兄弟之親出則有君臣上下之誼會遇相聚有耆老
長幼之施燦然有文以相接驪然有恩以相愛故孔子
曰天地之性人爲貴明於天性知自貴於物然後知仁
誼知仁誼然後重禮節重禮節然後安處善安處善然

後樂循禮樂循禮然後謂之君子臣又聞之聚少成多
積小致鉅故聖人莫不以其晦致明以微致顯是以堯
發於諸侯舜興乎深山非一日而顯也蓋有漸以致之
矣言出於已不可塞也行發於身不可掩也言行治之
大者君子之所以動天地也故盡小者大慎微者著積
善在身猶長日加益而人不知也積惡在身猶火銷膏
而人不見也此唐虞之所以得令名而桀紂之可爲悼
懼者也先王之道必有偏而不起之處故政有眊而不
行舉其偏者以補其敝而已矣三王之道所祖不同夏
尚忠殷尚敬周尚文者所繼之揀當用此也道之大原

出於天、天不變、道亦不變。是以禹繼舜、舜繼堯、三聖相授而守一道、亡揀散之政也。由此觀之、繼治世者其道同、繼亂世者其道變。今漢繼大亂之後、若宜少損周之文、致用夏之忠者、春秋大一統者、天地之常經、古今之通誼也。今師異道、人異論、百家殊方、指意不同、是以上無以持一統、法制數變、下不知所守。臣愚以為諸不在六藝之科、孔子之術者、皆絕其道、勿使並進、邪僻之說或息。然後統紀可一、而法度可明、民知所從矣。

董仲舒論限民名田

漢武帝建元元年

古者說民不過什一、其求易共、使民不過三日、其力易

足民財內足以養老盡孝外足以事上共稅下足以蓄
妻子極愛故民悅從上至秦則不然用商鞅之法改帝
王之制除井田民得買賣富者田連阡陌貧者無立錫
之地又顯川澤之利管山林之饒荒淫越制踰侈相高
邑有人君之尊里有公侯之富小民安得不困又加月
爲更卒已復爲正一歲屯戍一歲力役三十倍於古田
租口賦鹽鐵之利二十倍於古或耕豪民之田見稅什
伍貧民常衣牛馬之衣而食犬彘之食重以貪暴之吏
刑戮妄加民愁無聊亡逃山林轉爲盜賊赭衣半道斷
獄歲以千萬數漢興循而未改古井田法雖難卒行宜

少近古限民名田以贍不足塞兼併之路鹽鐵皆歸於民去奴婢除專殺之威薄賦歛省繇役以寬民力然後可善治也

○東方朔諫除苑

漢武帝建元三年

上使吾丘壽王除上林苑屬之南山東方朔進諫曰夫南山天下之阻陸海之地也山出玉石金銀銅鐵良材百工所取給萬民所仰足也今規以爲苑絕陂池水澤之利而取民膏腴之地。上乏國用。下奪農業。其不可一也。盛荆棘之林。大虎狼之墟。壞人家墓。發人室廬。其不可二也。垣而圍之。騎馳車騫。有深溝大渠。夫一日之樂。

不足以危無垠之輿其不可三也且殷作九市之宮而諸畔靈王起章華之臺而楚民散秦興阿房之宮而天下亂臣切爲陛下危之

○相如上書諫獵

漢武帝建元三年

臣聞物有同類而殊能者故力稱烏獲捷言慶忌勇期責育臣之愚暗竊以爲人誠有之獸亦宜然今陛下好凌險阻射猛獸卒然遇軼才之獸駭不存之地犯屬車之清塵輿不及還輟人不暇施巧雖有烏獲逢蒙之伎力不得施用枯木朽株盡爲難矣是胡越起於轂下而羗夷接軼豈不殆哉雖萬全無害然本非天子所宜近

也。且夫清道而後行中路而馳。猶時有御楸之變。而況乎涉豐草。騁立墟。前有利獸之樂。而內無存變之意。其爲害也不難矣。夫輕萬乘之重。不以爲安。而樂出萬有一危之塗。以爲娛。臣竊爲陛下不取也。蓋聞明者遠見於未萌。而智者避危於無形。禍固多藏於隱微。而發於人之所忽者也。故鄙諺曰。家累千金。坐不垂堂。此言雖小。可以喻大臣。願陛下留意幸察。

公孫弘賢良策

漢武帝元光五年

光弊之時。不貴爵賞。而民勸善。不重刑罰。而民不犯。以正而遇民信也。故因能任官。則分職治。去無用之

言則事情得未作無用之器則賦歛省未奪民時不妨
民力則百姓富有德者進無德者退則朝廷尊有功者
上無功者下則群臣遠罰當罪則姦邪止賞當賢則臣
下勸此八者治民之本也故民者業之則不爭理得則
不怨有禮則不暴愛之則親上故畫衣冠異章服而民
不犯者此道素行也臣聞之氣同則從聲比則應今人
主和德於上百姓和合於下故心和則氣和氣和則形
和形和則聲和聲和則天地之和應矣陰陽和風雨時
甘露降五穀登六畜蕃嘉禾興朱草生山不童澤不涸
此和之至也形和則無疾無疾則不夭故父不喪子兄

不哭弟德配天地明並日月則麟鳳至龜龍在郊河出
圖洛出書此和之極也臣聞之仁者愛也義者宜也禮
者所履也智者術之原也四者道之用不可廢也得其
要則天樂法設而不用不得其術則主蔽於上官
亂於下臣聞堯遭洪水使禹治之未聞禹之有水也若
湯旱則築之餘烈也紂行惡受天之罰禹湯積德
以王天下因此觀之天無私親順之和起逆之害生此
天文地理人事之紀臣弘愚慙不足以奉大對

○徐樂論土崩瓦解

漢武帝元朔元年

徐樂上書言天下之患在土崩不在瓦解陳涉起窮巷

奮赫若偏袒大呼。天下從風。此其故何也。由民困而主
不恤。下怨而上不知。俗已亂而政不修。此三者涉之所
以爲資也。此之謂土崩。吳楚七國號皆萬乘。威足以嚴
其境內。財足以勸其士民。然不能西攘尺寸之地。而身
爲禽者。此其故何也。當是之時。先帝之德未衰。而安土
樂俗之民衆。故諸侯無境外之助。此之謂瓦解。此二體
者。安危之明要。賢主之所宜留意而深察也。間者。關東
谷數不登。年歲未復。民多窮困。重之以邊境之事。推數
循理而觀之。民宜有不安其處者矣。不安故易動。易動
者。土崩之執也。故賢主獨觀萬化之原。明於安危之機。

修之廟堂之上而銷未形之患其要期使天下無土崩之執而已矣。

○主父偃請分國邑

漢武帝元朔元年

主父偃說上曰古者諸侯不過百里強弱之形異制令諸侯或連城數十地方千里緩則驕奢易爲滯亂急則阻其疆而合從以逆京師以法割削之則逆節萌起前日晁錯是也今諸侯子弟或十數而適嗣代立餘無尺地之封則仁孝之道不宣願陛下令諸侯得推恩分子弟以地侯之被人人喜得所願上以德施實分其國不削而稍弱矣上從之。

荀悅論風俗

漢武帝元朔二年

荀悅曰。世有三遊。德之賊也。立氣執作威福。結私交。以立強于世者。謂之游俠。飾辯辭。設詐謀。馳逐于天下。以要時勢者。謂之游說。色取仁以合時好。連黨類。立虛譽。以為權利者。謂之遊行。此三者傷道害德。敗法惑世。亂所由生也。國有四民。各脩其業。不由四民之業者。謂之奸民。奸民不生。王道乃成。凡此三遊。生於季世。制度不立。紀綱廢弛。以毀譽為榮辱。以喜怒為賞罰。飾華廢實。競趨時利。簡父兄之尊。而崇賓客之禮。薄骨肉之恩。而薦朋友之愛。忘修身之道。而求衆人之譽。割衣食之業。

以供享宴之好苞苴盈于門庭聘問交于道路書紀繁
於公文移務衆于官市于是流俗成而正道壞矣是以
聖王在上經國序民正其制度善惡要于功罪而不淫
於毀譽聽其言而責其事舉其名而指其實故虛偽之
行不得設誣罔之辭不得行有罪惡者無僥倖無罪過
者不憂懼請過無以行貨賂無所用養之以仁惠文之
以禮樂則風俗定而大化成矣

、倪寬封禪對

漢武帝元鼎六年

上令諸儒草封禪儀數年不成問寬寬對曰封太山禪
梁父昭姓考瑞帝王盛節也然享薦之儀不著于經非

臣之所能列惟天子建中和之極善摠條貫金声而玉振之以順成天慶垂萬世之基上乃自制像

○王吉遊獵諫

漢昭帝元平元年

昌邑王遊獵不止王吉諫曰大王不好書術而樂逸遊以奕腕之王休犯勤勞之煩毒非所以全壽命之宗也。非所以進仁義之隆也。夫廣夏之下細旃之上明師居前勸誦在後上論唐虞下及殷周考仁聖之風習治國之道日新厥德悅仰屈伸以利形勢意積精以通神則心有堯舜之志体有喬松之壽福祿臻而社稷安矣。

○霍光廢昌邑議

漢昭帝元平元年

昌邑王淫縱無度光憂遽以問大司農田延年延年因
將軍為國柱石審此人不可何不建白太后更選賢而
立之光曰今欲如是于古有以否延年曰伊尹相殷廢
太甲以安宗廟後世稱其忠將軍若能行此亦漢之伊
尹也光乃引延年給事中陰與張安世圖計王出遊召
群臣會議未央宮群臣皆驚愕莫敢發言延年離席按
劍曰先帝屬將軍以幼孤寄將軍以天下以將軍忠賢
能安劉氏也今群下鼎沸社稷將傾且漢傳謚常為孝
以長有天下今宗廟血食也如漢家絕祀將軍雖死
何面目見先帝于地下乎今日之議不得旋踵群臣後

應者臣請劍斬之光謝曰尤卿責光是也遂白太后扶
王下殿解脫其璽組仍送至昌邑郡